

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一二四冊

責任編輯：孫言誠 賀 偉

ISBN 7-5333-0535-3



2390/08

四庫全書存目叢書·史部一二四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.25 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一二四冊目次

史部·傳記類

荆門耆舊紀畧三卷荆門列女紀畧一卷

〔清〕胡作柄撰
中國科學院圖書館藏清康熙刻本

一

學統五十六卷

〔清〕熊賜履撰
中國科學院圖書館藏清康熙二十四年刻本

二九

道統錄二卷附錄一卷

〔清〕張伯行撰
遼寧省圖書館藏清康熙四十七年正誼堂刻本

六五三

荆門耆舊紀畧三卷荆門列
女紀畧一卷

〔清〕胡作柄撰

中國科學院圖書館藏清康熙刻本

附《四庫全書總目·荆門耆舊
紀畧三卷列女紀畧一卷》提

要

荆門古名區山川清淑之氣代鍾偉人以余所
見所聞所傳聞或遠或近行雖不同而道德文
章守身善世之規皆可光日月而垂史冊明季
喪亂邑志散失我朝咸平百年猶無起而修
之者作柄用是滋懼恐前賢姓名終委草莽也
爰加採摭歷兩寒暑著耆舊紀畧三卷嘗見畫
家初具粉本而添毫傳神遲之能事斯帙也亦
粉本云爾假妙墨以寫生揭遺行於中天請以
俟後之擅龍門才者康熙戊戌秋七夕之前一

日胡作柄

荆門耆舊紀畧

一

荆門耆舊紀畧目錄

卷一

老萊子

黃歇

漢上漁者

石處士

夏侯嘉正

孫何子言

孫僅子和

孫侑

朱震

朱巽

范如圭

吳源

王大用

王虎臣

朱逸民

卷二

張天麟

張禽

胡琳

朱敏

文仲和仲富

胡謁聖

李侃

包英

胡濬

艾夔

羅傳

盧江

黃黥兄照

胡永臣

胡永仁

李敬天

余元吉

蕭鳴楚

黃英賢

黃卷

王廷卿

陳尚禮

謝詔

張振卿

費思箴

胡化

周之翰

周法

黃朝陽

賀德邵

魯化

郭秀

許鉞

王茂才

柳向陽

胡宗瑜

夏雲奇

黃朝陽

三

賀運和

劉楚垣

王維蕃

王三朋

黃兌金

黃大業

劉廷禧

附同難姓氏

卷三

賀運清

黃朝陽

四

王三薦

嚴欽謨

孫子密

楊輝斗

楊佐國

何維元

何錫袞

萬元輔

元佐

江上峰

周昌

周琪

吳正楚子之經

王來蘇

李日曜 許徽聲

王田

王道弘

周克昌

荆門耆舊紀畧卷一

王

荆門耆舊紀畧卷一

老萊子

老萊子耕蒙山下

年七十作嬰兒戲

著五色斑斕衣嘗取水上堂詐跌仆卧地為小

兒啼弄雛親側欲親喜也楚王聞其賢請以為

輔其妻負畚策來曰何車跡之衆也具言之妻

曰妾聞可啖以酒肉者可繼以鞭朴可餌以官

祿者可繼以斧鉞妾不能為人所制遂偕隱不

仕

荆門耆舊紀畧卷一

黃歇

一

歇游學博聞事楚頃襄王是時楚稍弱秦昭王方令白起與韓魏共伐楚王使歇如秦上書止秦兵昭王善之賂楚以和楚乃遣歇奉太子完質於秦數年王病太子不得歸而太子與秦相應侯善歇說應侯曰今楚王恐不起秦不如歸太子太子得立其事秦必重而德相國無窮是親與國而儲萬乘也君不歸則成陽一布衣耳楚更立太子必不事秦夫絕與國而失萬乘之

和非計也應侯以聞昭王曰令太子之傳先往問疾返而後圖之歇爲太子計恐遲則不得立不如亡秦因變服爲楚使御以出關而歇守舍常爲謝病度太子行已遠秦不能追乃言於昭王曰太子歸久矣歇請死昭王欲殺之應侯曰歇爲人臣出身以殉主太子立必用歇不如無罪而歸之以親楚三月頃襄王卒太子立封歇爲春申君賜淮北十二縣爲相二十二年救趙滅魯却秦兵舉荀卿楚復疆後昏眊爲李園所

荆門書卷之末一

二

制

漢上漢者

漁者不言姓氏江陵守崔鉉問曰君之漁隱者之漁耶曰師尚父嚴子陵隱者也然非釣其魚釣其名耳鼓枻而去

石處士

處士逸其名居白杜唐鄭谷與之友善故渚宮亂後詩有白杜已應無故老之句

夏侯嘉正 子紆

嘉正字會之少有俊才登宋太平興國中進士歷官著作即使於巴陵作洞庭賦徐鉉見之曰是元虛之流也人多傳寫端拱初召試詞賦擢右正言直史館兼直秘閣元夕太宗御乾元門觀燈嘉正獻五言十韻天子親和焉年三十七卒子紆官太子中舍

孫何 子言

何字公漢其先汝陽人父鏞知荆門軍遂家焉生十歲識音韻十五能屬文篤學嗜古爲文必

荆門書卷之末一

三

本經義在貢籍中甚有聲王禹偁尤雅重之嘗作兩晉名臣贊宋詩春秋意尊儒教儀諸書聞於時淳化三年舉進士第一解褐除將作監丞通判陳州召入直史館賜緋遷秘書丞京西轉運副使歷右正言改右司諫真宗初何獻五議其一請擇儒臣有方畧者統兵其二請世祿之家肄業太學寒畯之士州郡推薦而禁投贄自媒者其三請復制舉其四請行鄉飲酒禮其五請以能授官勿用恩遷例上覽而善之咸平二

年舉入閣政事何次當待制獻疏請以鹽鐵事歸六部是冬從幸大名詔訪邊事何上曰陛下嗣位以來訓師擇將可謂至多以高祖之大度兼肅王之赤心神武冠於百王精兵倍於前代分閫仗鉞者固當以身先士卒爲心賊遺君父爲恥而列城相望堅壁自全手握強兵坐遠成箕遂使腥羶得計蛇豕肆行焚劫我郡縣係累我黎庶陛下據人神之忿怒憫河朔之生靈爰御六師親幸澶魏天聲一振敵騎四逃雖鎮定

荆門書院紀畧卷一

四

道路已通而德棣烽烟未息此殆將帥或未得人邊奏或有壅閼鄰境不相救援糗糧須俟轉輸之所致也將帥者何或恃勇無謀或忌功玩寇但全城堡不卹人民邊奏者何護塞之臣固祿守位城池焚劫不以實聞老幼殺傷託言他盜不救援者何緣遼州縣城壘參錯如輔車唇齒之相依若頭目手足之相衛託稱兵少不出或待奏可乃行俟轉輸者何敵騎往還疾馳烏逝羸糧景從萬兩方行迫乎我來寇已遁去此

四者當今悉務擇將帥則莫若文武之內參用謀臣防壅閼則莫若凡秦邊防陞見庭問合救援則莫若督以軍令聽其便宜運糗糧則莫若輕齎疾驅角彼趨捷今大駕既駐鄴下契丹終不敢萌心南牧所慮蠶食者東北無備之城繕完周防不可不慎且蜂蟻有毒豺狼無厭今契丹西畏大兵北無歸路獸窮則搏物不可輕餘孽也尚或稽誅奔突亦宜預備大河南濟處處有之亦望量屯禁兵扼其要害則請和之使不

荆門書院紀畧卷一

五

日可待上嘉其議及傳潛逗撓無功請斬潛以徇又疏擇州縣守宰省三司冗員遴選法官增秩益奉何所建白俱當國是且勤接士類後進之有詞藝者必爲稱揚累官至兩浙轉運使加起居舍人景德初代還判太常禮院俄知制誥賜金紫掌三班院會疾上遣醫診視勉其然艾何曰生苑有命卒年四十四上在澶淵聞之憫惜錄其子言大理評事

孫 僅 子 和

僅字隣幾少勤學與兄何俱有名於時咸平元年進士第一兄弟連冠貢籍時人榮之解褐寄州團練推官會詔舉賢良方正之士趙安仁以僅名聞策入第四等擢光祿寺丞直集賢院俄知浚儀縣景德初拜太子中允開封府推官賜緋北邊請盟遣使交聘僅首爲國母生辰使改本府判官遷右正言知制誥賜金紫同知審官院是冬永興孫全照求代真宗思擇循良任之御書邊肅洎僅二名示宰相或言僅嘗倖京府

清門才書卷一

六

請民政乃命知永興軍府僅爲政尚寬嘗詔戎馬後領審院進給事中天禧元年卒年四十九錄其子大理評事和爲衛尉丞僅性端慤中立無競篤於儒學士大夫推其履尚有集五十卷

孫 侑

侑究心經史亦著文名與兄何僅人有三鳳之目登進士第仕至殿中丞

朱 震

震字子發登政和進士第仕州縣以廉稱胡安

國一見大器之薦於高宗召爲司勳員外郎震稱疾不至會江西制置使趙鼎入爲叅知政事上詰以當世人才鼎曰臣所知朱震學術深博廉正守道士之冠冕使位諄讀必有益於陛下上乃召之既至上問以易春秋之旨震具以所學對上說擢祠部員外郎兼川陝荆襄都督府詳議官震因言荆襄之間沿江上下可耕之田七百餘里若選良將領部曲鎮之招集流亡務農種穀寇來則禦寇去則耕不過三年兵食自

荆門才書卷一

七

足又給茶鹽鈔於軍中募人中糴可以下江西之舟通湘中之粟觀釁而動席捲河南此以逸待勞萬全計也郭千里除將作監丞震言千里侵奪民田曾經按治願請新命從之虔州民爲盜天子以爲憂選良太守往撫慰之將行震曰使居官者廉而不擾則百姓自安雖誘之爲盜亦不爲矣願詔新太守到任之日條具本郡暨屬縣官吏有貪墨無狀者一切罷去聽其自擇慈祥仁惠之人有治效者優加獎勸上從其言

故事當喪無享廟之禮徽宗未附廟太常少卿吳表臣奏行明堂之祭震因言王制喪三年不祭惟天地社稷爲越縉而行事春秋書夏五月乙酉吉禘於莊公公羊傳曰議始不三年國朝景德二年真宗居明德皇后喪既易月而除服明年遂享太廟合祀天地於圜丘當時未行三年之喪專行以日易月之制可也在今日行之則非也七年震謝病乞祠旋知禮部貢舉會疾卒震經學深醇人稱漢上先生有漢上易解云

謝門耆舊紀卷一

八

陳搏以先天圖傳种放放傳穆修修傳李之才之才傳邵雍放以河圖洛書傳李溉溉傳許堅堅傳范諤昌諤昌傳劉牧穆脩以太極圖傳周惇頤惇頤傳程頤程頤是時張載講學於二程邵雍之間故雍著皇極經世書牧陳天地五十有五之數惇頤作通書程頤著易傳載造太和參兩篇臣今以易傳爲宗和會雍載之論上采漢魏吳晉下逮有唐及今包括異同庶幾道離而復合蓋其學以王弼盡去舊說雜以老莊專

尚文辭爲非是故於象數加詳焉其論圖書授受源委如此蓋莫知其所自云

朱 巽

巽震之弟敦行篤學力追前哲初入太學人稱二朱

范如圭

如圭字伯達登進士第授左從事郎武安軍節度推官始至帥將斬人如圭白其誤帥以爲已署不易也正色厲曰奈何重易一字而輕教人

謝門耆舊紀卷一

九

命哉帥巽然從之事無大小皆諮焉居數月以憂去辟江東安撫司書寫機宜文字近臣交薦召試秘書省正字遷校書郎兼史館校勘是時秦檜主和議金使至惇傲無禮其議多不可從如圭獨以書責檜以曲學倍師忘仇辱國之罪且曰公不喪心病狂奈何爲此必遺臭萬世矣檜怒金歸我河南如圭輪對言兩京之版圖既入則九廟八陵瞻望咫尺今朝修之使未遺何以慰神靈萃民志乎帝泣然曰非卿不聞此言

即日遣使以行檜以不先白已益怒如圭謁告
歸里杜門十餘歲起通判邵州又通判荆南舊
戶口數十萬寇亂無復人跡時蠲口錢以安集
之百未還一二也議者希檜議述謂流庸浸復
而增之積逋二十餘萬緡他負亦數十萬版曹
日下書責償甚急如圭白帥悉奏蠲之檜死被
旨入對言爲治以知人爲先知人以清心寡慾
爲本語甚切又論東南不舉子之俗傷絕人理
請舉漢胎養令以全活之抑亦勾踐生聚報吳

荆門書卷之卷十一

十一

之意也帝善其言又奏今屯田之法歲之所獲
官盡征之而田卒賜衣廩食如故使力穡者有
贏餘之望惰農者無饑餓之憂貪小利失大計
謀近效妨遠圖故久無成功宜籍荆淮曠土盡
爲丘井倣古助法別爲科條令政役法則農利
修而武備飭矣以且秘閣提舉江西移路州提
點刑獄以病請祠時儲位未定道路竊有異言
如圭遠在外獨深憂之掇至和嘉祐間名臣奏
章凡三十六篇合爲一書囊封以獻請深考群

言仰師成憲斷以至公勿疑或以越職危之如
圭曰以此獲罪奚憾帝感悟謂輔臣曰如圭可
謂忠矣即日下詔以普安郡王爲皇子復起知
泉州南外宗官寄治郡中挾勢爲暴占役禁兵
以法禁之宗官沮喪密爲浸潤遂以中旨罷領
祠如故僦舍以居士大夫高之多從之質疑卒
年五十九如圭生平忠孝誠實得之於天其學
根於經術不爲無用之文所草具屯田之目數
千言未及上張浚視師日奏下其家取之浚罷
亦不果行有集十卷皆書疏議論之語藏於家
子念祖念德念茲

荆門書卷之卷十一

十一

吳源

源官統制雖武士嗜詩書常吟唔聲至夜半宋
歲熙七年元兵圍襄急朝廷勅源救之將兵至
襄五戰皆捷元人麾集外軍合圍夾擊源坐困
垓心矢石併盡然猶掉臂一呼擒殺無算竟被
數鎗以死部下五百人無一生還者

王大用 王虎臣

二王當宋末結鄉勇以守沙洋元伯顏軍至河
下乃率萬餘人號呼大罵聲振天地伯顏招之
不應遣使持檄來撫二王焚檄斬使畧無降意
會日暮大風伯顏放金汁燬屋舍盡然烟焰障
天遂被屠

按宋史謂大用被執至新城招邊居誼降然
父老相傳同虎臣受屠至今廟祀疑史誤耳
按邊居誼之宛宋也吾新城同日自焚者三
千人忠義之多如此惜名姓俱無攷

宋逸民

逸民不傳姓氏宋亡居象山峽有夷齊風至正
間人鑄西山靈隱四字於峭壁上

荆門耆舊紀畧卷二

張天麟

天麟洪武初知景陵與指揮李廷琛修築城垣
協力保障境內安之

張禽

禽郡庠生家貧爲人塾師事母備至一日聞母
病奔歸吐血數升即辭館竭力侍奉主以賢之
厚饋卒不往後母亡慟毀而死窆不能殮閭邑
悲焉

胡琳

琳永樂初由監生任易州守戢盜安民境內以
治至今誦爲神君卒塋州之南臺其塚每年自
長竟成高阜

朱敏

敏字永昌永樂壬午登賢書官至御史廉而有
守以事累被抄敝衣外絕無贏餘成祖聞之賜
以褥幙二襲及卒歸塋復勅沿途有司祭奠

文仲和 仲富

仲和兄弟天性純孝服食奉養時有曾聞之目
父病額天請代侍湯藥不解帶者年餘父卒廬
墓三年有雙鶴巢於墓側有司屢加旌獎題其
間曰雙孝

胡謁聖

謁聖由貢生授福建羅源縣令吏治廉幹有聲
性剛方難干以私公務稍暇卽適情仙茅羅喜
之中涉獵書史博雅弘通士多稱之

李侃

別開卷之末

二

侃正統間進士官都御史北狩時侃對衆洒泣
及抗疏論偷生者之罪人爲股栗

包英

英生平究心理學每讀書至孝弟篇必掩卷沉
思曰安能身體力行家貧傭販終養備極艱辛
親歿鬻男女以營塋事與節婦胡烈女趙並居
南臺建坊節孝里至今石碣猶存

胡濬

濬正德間以明經除河南虞城令居官不擾廉

靜自持閭邑愛戴若慈父卒之日士民哀號統
霸輻者三日同時鄉之著名者若進士金選呂
璋皆爲物望惜官爵事行無攷

艾夔

夔正德已卯舉於鄉以文學著廣文林滄洲作
州志夔作跋以傳

羅傳

傳字次卿嘉靖已丑進士幼負夙慧年十二舉
神童登第時方垂髫奉詔歸娶閭里榮之

別開卷之末

三

盧江

江號靜山嘉靖丙午舉人歷任雲南曲靖軍民
府知府素嫻方畧土酋叛服不常公身探甲冑
屢立奇功歸化者則多方撫卹勿使失所世稱
其有文武才

黃點 兄照

點字淑宇由選貢除令廣西賀縣僻處蠻荒人
文鄙陋點乃設學召士諄習考業弗倦舊例鄉
場主試係本省市司適當秋闈檄點同考比

揭曉賀縣無中式者點力懇主司特作破天荒以廣朝廷文德之化自是人爭濯磨奉爲師資請業無虛日科第亦復時綴矣天旱膝行祈禱甘霖立沛萬戶感誦特建生祠點明理學通五經設講堂於沙洋之西從學者常百餘人至名其山曰夫子山兄照領嘉靖乙酉鄉薦先以神童名

胡永臣

永臣由貢生授黔江令黔江地隸四川轄土司

黔江縣志卷二

四

初至土司設席相迎乃具人首三劔永臣識其贗即啖雙睛酋長不法者立擒渠魁治以令典由是畏服不敢犯秩滿即請告歸家蕭然物外有靖節之風

胡永仁

永仁號清泉孝友純篤爲繼母曠氏廬墓三年甘貧樂道手不釋卷期望必肅衣冠拜禮先師司訓湖口極意薰陶致膺特薦竟不赴召掛冠而歸生平入鄉闈十一次三中副車無愠色所

著有佳山讀書錄易經井觀

李敬天

敬天侃之孫也生七歲解昌黎送李愿歸盤谷序即飄然有輕仕進之意因自號玄玄居士年九十餘猶著書不輟

余元吉

元吉邑庠生幼慕象山陽明之爲人作文不泥註疏每試高等善吟咏留情山水天文形家諸書皆博涉焉

井觀書錄卷二

五

蕭鳴楚

鳴楚邑庠生以不獲生孔孟時爲恨學博覽注究心濂洛遂奉爲指南決意向道直從念頭起處作工夫得慎獨之大要臨卒遺詩云造化有情收病骨惜陰無計挽蜉蝣

黃英賢

英賢父鶴病篤思西瓜時隆冬遍求不獲焚香禱天以井水先置碗內自齧股肉投水中少頃竟成瓜水父飲即愈延二十年

黃卷

卷嘉靖丙午舉人登仕版所至有聲官至工部主事

王廷卿

廷卿嘉靖辛酉登賢書仕至工部主事廉靜寡欲著名一時暮夜之金無敢投者浚祀鄉賢

陳尚禮

尚禮貌樵心醇孝友自好舉鄉飲不就

謝詔

荆門耆舊紀卷三

六

詔補博士弟子員性矜狷有氣骨與人交接嘖笑不苟雖端戚貴倨絕不相下嘗曰吾全吾鼎所得多矣山居九十而歿

張振卿

振卿性孝友父母寵異少子振卿承順親志憐愛倍至親歿以所遺田產盡讓之弟且委心教育焉

費思歲

思歲字占南萬曆癸卯舉人任楊州同知勸農

桑興水利相度經營不憚浚築之勞至今遺澤猶存民甚愛戴之

胡化

化字心古萬曆壬午舉孝廉授四川陂縣令遷時州有弊政憤甚抗疏闕下舉朝嘉其侃直臨歿里人夢陂縣迎官者至俗傳作陂縣城隍云

周之翰

之翰字景玉萬曆壬辰進士任戶部郎中監兌

荆門耆舊紀卷三

七

通州因礦稅盛行抗疏極諫忤旨且觸中貴怒罷歸雖黨截其裝橐了無長物一時朝野歎服屢疏薦擢堅隱不出所著書多爲兵燬

周法

法字行甫之翰之姪生時母夢一書生來曰吾崑崙奇宿也既寤生法宛若夢中所見讀書目十行下作文不經思立就年十九以恩選授河南原武令值河溢爲患著有修河要紀河源疏聽訟遇疑難必質之母歲凶歎以去就爲民請